

Edita Đapo

Poslanica u Predstavničkom domu

Parlamentarne skupštine Bosne i Hercegovine

Sarajevo, 16. juli 2020.

PRIMLJENO: 17. 7. 2020			
Organizaciona jedinica	Klasifikaciona oznaka	Redni broj	Broj priloga
		0150-1-15	1362/20

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

n/r Nebojša Radmanović, predsjedavajući

PREDMET: Poslanička inicijativa

U skladu sa članom 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15), podnosim poslaničku

INICIJATIVU

Predlažem Predstavničkom domu Parlamentarne skupštine Bosne i Hercegovine da formira Parlamentarnu grupu za odgovor na HIV i AIDS, tuberkulozu, hepatitis i druge koinfekcije.

O b r a z l o ž e n j e

Bosna i Hercegovina je u proteklom periodu, uz podršku Globalnog fonda za borbu protiv HIV/AIDS-a, tuberkuloze i malarije i učešće svih nivoa zdravstvenih vlasti u Bosni i Hercegovini, saradnju sa nevladinim sektorom i drugim sektorima, te uz podršku UNDP-a BiH uspješno implementirala Program prevencije HIV/AIDS-a i tuberkuloze, te uspostavila kvalitetan sistem za prevenciju i rani početak liječenja ovih bolesti. Tako je Bosna i Hercegovina zadržala najnižu stopu obolijevanja od HIV-a i AIDS-a u regionu, a broj oboljelih od tuberkuloze u Bosni i Hercegovini je u ovom periodu prepolovljen.

Efikasno strateško planiranje odgovora na HIV i AIDS u Bosni i Hercegovini realizovano kroz dva strateška dokumenta usvojena od Vijeća ministara BiH (Strategija prevencije i borbe protiv HIV-a i AIDS-a u Bosni i Hercegovini 2004-2009 i Strategija za odgovor na HIV/AIDS u BiH 2011-2016.) značajno je doprinijelo da se ostvare postignuti ciljevi, jer su istim definisani zajednički prioriteti i aktivnosti na svim nivoima u Bosni i Hercegovini.

Bosna i Hercegovina od 2015. godine, nije više u grupi zemalja koje mogu aplicirati za grantove Globalnog fonda za borbu protiv HIV/AIDS-a, tuberkuloze i malarije.

Državno koordinaciono tijelo za podršku i praćenje implementacije Programa prevencije HIV/AIDS-a i tuberkuloze u Bosni i Hercegovini (CCM BiH) bio je glavni partner Globalnom fondu u pružanju podrške Bosni i Hercegovini, isključivo za vrijeme implementacije Programa prevencije HIV-a i tuberkuloze u Bosni i Hercegovini.

Odlaskom Globalnog fonda, prestao je mandat CCM-a BiH.

S tim u vezi, imajući u vidu da:

- **Bosna i Hercegovina od 2015. godine ne može aplicirati za sredstva Globalnog fonda;**
- **Bosna i Hercegovina nema državne strategije za odgovor na HIV, tuberkulozu, hepatitis i druge koinfekcije i da joj je zbog toga onemogućeno da aplicira za sredstva u EU i drugim međunarodnim fondovima;**
- **Bosna i Hercegovina nema centralno tijelo na nivou Bosne i Hercegovine sa mandatom da kreira i nadzire implementaciju programa za navedene oblasti, kao ni da kreira strateške dokumente i iznađe finansijska sredstva za njihovu implementaciju;**
- **Bosna i Hercegovina nema razvijen sistem „socijalnog ugovaranja“;**
- **Da su navedene oblasti od izuzetnog značaja za Evropsku uniju i njihovo rješavanje je jedno od značajnih javno-zdravstvenih pitanja za pristupanje Bosne i Hercegovine Evropskoj uniji,**

predlažem da Predstavnički dom Parlamentarne skupštine BiH podrži ovu inicijativu i formira Parlamentarnu grupu, sa sljedećim ciljevima:

1. Kreiranje Strategije za odgovor na HIV, tuberkulozu, hepatitis i druge koinfekcije u Bosni i Hercegovini, uz prateći finansijski plan za implementaciju i dostavljanje Parlamentarnoj skupštini Bosne i Hercegovine na razmatranje i usvajanje;
2. Zagovaranje za uspostavljanje jedinstvenog sistema prevencije HIV-a, tuberkulozu, hepatitisa i drugih koinfekcija u Bosni i Hercegovini;
3. Zagovaranje sistema „Socijalnog ugovaranja“ za intervencije koje su od značaja za ugrožene populacije.

P o s l a n i c a

Edita Đapo